

## প্রার্থনাভীত দান

শিখের পক্ষে বেণীচ্ছেদন ধর্মপৰিত্যাগের ন্যায় দুষ্ণীয়

পাঠানেরা যবে বাঁধিয়া আনিল

বন্দী শিখের দল—

সুহিদগঞ্জে রক্তবরন

হইল ধরণীতল।

নবাব কহিল, 'শুন তরুসিং,

তোমাৰে ক্ষমিতে চাই।'

তরুসিং কহে, 'মোৰে কেন তব

এত অবহেলা ভাই ?'

নবাব কহিল, 'মহাবীর তুমি,

তোমাৰে না কৰি ক্ৰোধ—

বেণীটি কাটিয়া দিয়ে যাও মোৰে

এই শুধু অনুরোধ।'

তরুসিং কহে, 'কৰুণা তোমাৰ

হৃদয়ে রহিল গাঁথা—

যা চেয়েছ তার কিছু বেশি দিব,

বেণীর সঙ্গে মাথা।'



## কথা ও কাহিনী

৩২

নৃপতি বাহিরে আচম্বিতে ।  
রাজেন্দ্র প্রসেনজিৎ উচ্চারি মঙ্গলগীত  
চলেছেন বুদ্ধদরশনে—  
হেরি অকালের ফুল শুধালেন, 'কত মূল ?  
কিনি দিব প্রভুর চরণে ।'  
মালী কহে, 'হে রাজন, স্বর্ণমাষা দিয়ে পণ  
কিনিছেন এই মহাশয় ।'  
'দশ মাষা দিব আমি' কহিলা ধরণীস্বামী,  
'বিশ মাষা দিব' পাত্ত কয় ।  
দৌহে কহে 'দেহো দেহো', হার নাহি মানে কেহ—  
মূল্য বেড়ে ওঠে ক্রমাগত ।  
মালী ভাবে যাঁর তরে এ দৌহে বিবাদ করে  
তাঁরে দিলে আরো পাব কত !  
কহিল সে করজোড়ে, 'দয়া করে ক্ষম মোরে—  
এ ফুল বেচিতে নাহি মন ।'  
এত বলি ছুটিল সে যেথা রয়েছেন বসে  
বুদ্ধদেব উজলি কানন ।  
বসেছেন পদ্মাসনে প্রসন্ন প্রশান্ত মনে,  
নিরঞ্জন আনন্দমুরতি ।  
দৃষ্টি হতে শান্তি ঝরে, স্ফুরিছে অধর-'পরে  
করণার সুধাহাস্যজ্যোতি ।  
সুদাস রহিল চাহি— নয়নে নিমেষ নাহি,  
মুখে তার বাক্য নাহি সরে ।  
সহসা ভূতলে পড়ি পদ্মটি রাখিল ধরি  
প্রভুর চরণপদ্ম-'পরে ।  
বরষি অমৃতরাশি বুদ্ধ শুধালেন হাসি,  
'কহো বৎস, কী তব প্রার্থনা ।'  
ব্যাকুল সুদাস কহে, 'প্রভু, আর কিছু নহে,  
চরণের ধূলি এক কণা ।'